



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm VII. Quæ in ecclesiarum.

[urn:nbn:de:hbz:466:1-62559](#)

Exemplum declaratorium eius Edicti, *summam*, ut ait Vlpianus in l. i. ff. Quod cuiusque iuris, &c. *equitatem habentis* attuli in cit. cap. 9. n. 3. §. Tertium, ex Gl. in ead. l. i. in casu. Aliud affert Zafius cit. loco: Si in ciuitate aliqua à Magistratu, seu Decurionibus cautum sit, ne extraneo liceat emere, aut possidere bona immobilia; etiam si titulo hereditatis ea intra fines territorij acquisiuisset, sed incolis eius loci vendere cogatur; Tunc decuriones, seu statuentes illi, & qui tale statutum procurassent, permodum retorsionis, alibi bona immobilia ipsi quoque emere aut possidere, sine iniuria, prohiberentur.

7 *QVÆSTIO EST;* Vtrum Episcopus, cum consensu Capituli, aut Cleri, eiusmodi statutum condere possit, ut Canonicis, aliisque beneficiariis, iuxta priorem antiquam consuetudinem, relicta non residendi libertate, qui deinceps instituendi erunt, omnes residere cogantur, ad effectum fructuum percipiendorum? Videtur esse negandum, quia per tale statutum inæqualitas introducitur inter eos, qui eodem iure censi debent: Et cum Canonicis quasi unum corpus, ac Collegium efficiant, non debent diverso iure censi, ait Gl. hic ver. constitutum, ex c. cum in tua 30. de decim. Nihilominus Canonistæ hic recte affirman, Hostiens. Innoç. Ioan. Andr. n. 24. Abb. n. 3. Nam tale statutum, legitimam Episcopi auctoritatem habet, atque rationabile, ecclesiæque vtile esse potest. Ad argumentum in contrarium respondet, Inæqualitatem aliquam inter eos, qui eiusdem iuris esse censentur, siue ex eodem corpore sunt, statui posse ex causa rationabilis, aut aliqua necessitate, quæ hic interuenit; Quia suppono, antiquos, seu iam institutos canonicos non facile adduci posse, ut quoad suas personas in nouum, Ecclesia vtile, statutum consentiant. Accedit, quod Canonicis iuxta antiquam consuetudinem suscepit, atque institutis ea mutatio grauis accidit, non ita vero postea recipiendis, quia ipsi ea conditione instituentur, vt iuxta ius commune residere cogantur.

8 *Quæ ipsa ratione in generalibus Capitulis seu Congregationibus Religionum, causa*

reformationis, statutum fieri potest pro illis, qui deinceps in Ordinem recipiendi erunt, relicta libertate aliis, quibus in professione eiusmodi conditio, aut obligatio proposita non fuit. Caueritamen debet, ne magna sit diuersitas inter eiusdem Collegij aut Comunitatis personas: nam plerumq; reprobatur duplicitas, inquit Ioann. Andreas hic.

CAPITVLVM VII.

Quæ in ecclesiarum.

PARAPHRASIS.

Communitas quædam laicorum legem condidit, vt si quis eorum ad inopiam se vertere ostenderit, liberam facultatem habeat alienandi Feudum, quod ab Ecclesia, vel Ecclesiasticis personis possideret. Querelâ ad Innocentium III. delata, respondit ille, eiusmodi statutum contra Ecclesiastica iura directè tendens nullius roboris esse, sed & alienationes seu venditiones feudorum factas absque legitimo Ecclesiasticarum personarum consensu ipso iure irritas esse.

SUMMARIUM.

- r. *Laici statutis suis non possunt derogare iuribus Ecclesiarum.*
- x. *Vafallus abzg. Domini consensu feudum nec licet, nec validè alienare potest. Si alienet, traditione secuta, eo priuari potest.*
3. *Communitates nullam iurisdictionem habentes, nullam propriæ legem condere possunt; possunt tamen ex conventione & iuramento aliquid statuere, pertinens ad bonam administrationem aut defensionem rerum suarum.*
4. *Communitates iurisdictione predite possunt intra limites suæ iurisdictionis statutum seu legem condere.*
5. *In naturale etiam Magistratus laicus interpretari potest in rebus profanis & politicis; in spiritualibus interpretatio periret ad Ecclesiasticos, præcipue ad Rom. Pontificem.*

6. Lc-

6. Legem naturalem preceptiua Magistratus secularis directe mutare non potest.
 7. Potest tamen permissum mutare.
 8. Adversus ius gentium preceptum à Magistratu humano statui nihil potest; additamene aliquid potest.
 9. Statutum fieri non potest praividicantis iuri aliorum absque causa.
 10. Potest ex causa iusta & urgente v.g. ob publicam utilitatem.
 11. Quia autem & quanta causa requiriatur, prolixè hic & infra dicerur.
 12. Pontifex liberam habet disponendi facultatem de beneficiis Ecclesiasticis & bonis, aut redditibus Ecclesiistarum, non autem de fructibus & redditibus Ecclesiasticorum non superfluis, aut bonis eorum patrimonialibus.
 13. Magistratus secularis neq; ex plenitude potestatis quidquam disponere potest circa Ecclesias, personas Ecclesiasticas, & earum bona.
 14. Princeps, qui ex iusta causa priuatum abstulit, tenetur ad compensationem damni, nisi aliunde excusat.
 15. Plenitudo potestatis extendens se ad ius subditis iusta de causa tollendum, est propriae supremi Principis, ab eo tamen alteri communicabilis.
 16. Plenitudo hac potestatis in supremo Principe nimium à Legistis excluditur.
- O T A N D U M I.** Laici statutis suis nō posse sunt iuribus ecclesiistarum derogare, vt hic, & in c. 1. d. 10. c. 1. d. 96. & c. nouerit 49. de Sent. excomm. vbi est lata sententia excommunicationis contra statuentes: Nunc autem lata est excommunicatio bullaris xv. Si quis decreta in genere, vel in specie, ex quavis causa, & quouis quatuor colore, arg. etiam pretextu cuiusvis consuetudinis, aut pruilegii, vel alias quomodo liber fecerint, ordinaverint, vel publicauerint; vel factis, & ordinatis usi fuerint, unde libertas ecclesiastica tollitur, seu in aliquo leditur, vel deprimitur, aut alias quovis modo restringitur, seu nostris, & dicta Sedis Apostolicæ, aut aliarum quarumcumque ecclesiistarum iuribus quomodolibet, directe vel indirecte, tacite vel expressæ,
- praividicatur. Vide quæ infra dicentur in c. Ecclesia, hoc tit.
- N**otandum II. Vassallus, absque domini consensu, feudum alienare non potest. Sin alienet, alienatio irrita est; & vassallus eo priuari potest, dummodo traditio secuta sit, lib. 2. feudorum tit. 52. de prohibita feudi alienatione, cap. Imperiale.
- Dux itaque causæ fuerunt, cur ciuium Teruisin. constitutio, atque alienationes feudorum inde secute irritæ fuerint. I. Quia erant contra iura ecclesiistarum, de quibus laici, absque Prælatorum ecclesiasticorum auctoritate & consensu, nihil statuere, siue derogare possunt: siquidem nulla iurisdictio aut potestas se extendere potest extra limites suos, l. vlt. ff. de iurisd. omn. iudic. II. Quia lege etiam seculari siue Cæsarea, feudum absq; domini consensu alienari nequit. Sed sufficiebat Pontifici, ex priore ratione statutum illud, & factas alienationes improbare: Quia tametsi ponamus, legem à magistratu iultâ ratione edi in ordine ad feuda secularia, vt ea alienare hiceat, non tamen tale statutum fieri poterit in ordine ad feuda ecclesiastica, siue quæ ab ecclesiis habentur. Neque excusat hic ratio inopia, vel similitus necessitas: Quia ratio necessitatis licet quandoque iurisdictionem existet, nimirum in magistratu seculari erga laicos extendere posuit, vt propter eam licet fiant, quæ aliquin licita non essent; attamen iurisdictionem, vbi nulla est, videlicet erga clericos, & ecclesiastas, necessitas dare non potest.
- Hac occasione accepta, Q u a r t u s hic Doctores primò; Quænam laicorum Communitas leges, siue statuta condere possit? Respondeo cum Abb. hic n. 5. Suar. de legib. lib. 3. c. 9. post Bart. in l. omnes populi, ff. de iust. & iure. Baldum & alios in l. vlt. C. de iurisdictione omn. iudic. Quædam communitates siue plebes sunt, nullam iurisdictionem habentes, vt plebs pagi alicui nobili, aut baroni, vel ciuitatis magistratui subiecta. Et talis communitas statutum facere non potest; quia facere statutum, ait Baldus in cit l. vlt. n. 1. est iurisdictionis: Idemque ex communi tradit Auffrer. in decis. Tholosan.

nā 406. Guido Papa decis. Grationop. 63¹. Possunt tamē per modū paeti, aut iuramēti inter ipsos præstiti aliqua statuere, quæ pertinent ad bonā administrationē, aut defensio- nē rerum suarū; ideoq; collectam aliquam imponere, sicuti loco cit. differit Guido, vbi admonet primō n. 5. quod plebi, sine domini aut magistratū sui consensu, concessum non sit se congregare, tractatus instituendi causa; quia prætextu aliquo liciti, v.g. collectæ ne- cessariō indicendæ, quod illicitum est, ma- chinari posset: Quare ordinariē huiusmodi congregations ac conuenticula suspecta & prohibita esse solent, sicuti etiam notat Ioan. Faber Instit. de rerum diuisione, §. vniuersi- tatis, Abb. in c. vlt. in fine, de testib. cogendis, arg. l. 1. ff. de illic. collegiis. Secundō admonet, Quia statutum huiusmodi per modū paeti editur, ideō necessarium esse, ordinariē loquendo, vt omnes consentiant, siquidem inuitus nemo cogitur pacisci, aut cōtrahere, aut quod proprium est, expendere, iuxta Gl. celebrem in l. 2. C. Quæ sit longa consuetu- do, prope finem. Ordinariē dixi; Si enim necessitas postulare videatur, v. g. vt collecta sit ad damnum aliquid auertendum, maiori parti minor consentire debet, vt resoluit idem Guido n. 7.

Quædam verò sunt Communitates iuris- dictione prædictæ, & haec secundū modum ac terminos iurisdictionis suæ statuere, siue legem condere possunt. Dico secundū mo- dum ac terminos, &c. Nam interdum iurisdictione Communitatis independens est, quia ciuitas, aut populus nullum Su- priorem agnoscit, v.g. vrbs Venetorum, Ge- nuensem. Et hi eadem potestate absoluta leges condere possunt, quæ Rex aut Princeps in terris suis. Interdum verò iurisdictione Cō- munitatis dependens est, & modificata, sive del. Communitas aut populus secundū a- etualem usum, subiecta sit iurisdictioni Su- perioris. De his Communitatibus loquitur Zasius in l. 1. ff. Quod cuiusque iuris &c. Li- cet magistratibus statuta facere, non solum maioribus sed etiam minoribus, quod Gl. & Barrolus tractant Latinis. Verum hac doctrina est recepta moribus Germanis; quia vide-

mus, quod eris am Decani facultatum, & que- libet infima oppida faciunt statuta.

Et quod dicit hīc de Decanis facultatum, latius accipe ex l. vlt. C. de iurisd. omn. Iu- dicum, vbi Baldus num. 1. Collegia appro- bata possunt inter se facere statuta de iis, quæ pertinent ad eorum iurisdictionem. Et n. 2. Si causa vertitur inter artificem, & artem seu collegium, cognoscit Præpositus Collegii. Et n. 3. Qui præsunt istis artibus, siue negoti- toribus, possunt cognoscere de omnibus causis, quas habent artifices inter se, vel quas non ar- tifex mouet artifici ratione artis: Exira au- tem ea, quæ pertinent ad artem, non habent iurisdictionem, nec possunt statuta facere.

Sed declarari debet primō; Si eiusmodi Collegia Rectorem, seu Præpositum habeant, quod sine ipso nihil statuere possunt. Idem- que eadem ratione sentiendum de Communi- tate studiosorum, eos absque Rectoris sui consensu nihil statuere posse; præterquā per modū paeti mutui circa materiam honestā & concessam, vt suprā dictū fuit de plebe. Secundō, dictæ ciuitates, Collegia &c. tali modo statuta edere possunt, vt tamē ea Princi- piū seu Magistratū, cui subfūt, subiecta sint: Quare etiā in hībus causam, siue ad duum- uiros, seu Præpositos, siue ad maiorem ma- gistratum, videl. Præsidem, deferre cuius li- berum est, iuxta cit. l. vlt. Videri etiam pos- sūt, quæ docui Theol. mor. lib. 1. tr. 4. c 8. n. 7.

Corollarium. Hinc patet discrimen inter imperij Romani Duces, Marchiones, Comi- tes, &c. qui à Cæsare regalia habent, eiisque benignitate summum magistratum repræ- sentant, vt cit. loco Zasius annotauit; atque suprā dictas ciuitates. Isti enim etiam contra communes Cæsareae leges quandoque mu- nicipalia statuta pro terris suis condere pos- sunt; dummodo nec Imperatori, nec aliis Principibus, aut populis præiudicantia sint, saluis etiam iis, quæ Principiū summo seu Im- paratori specialiter referuata esse solent, sicut Imola hīc notat n. 14. At verò ciuitatibus, ac oppidis illis tanta licentia concessa nō est. Num verò ciuitates Imperiales, id est, Impe- ratori immediatè subiectæ, iura Principiū habeant (quod affirmat Gaill lib. 2. obser- uat. 57.

nat. 57. num. 7.) ad me non pertinet discutere.

QVÆRITVR secundò; Quousque se protestas humana in condendis legibus extendet circa ea, quæ naturali, diuino, aut gentium iure statuta sunt. Quâ de re variè loquuntur Canonistæ, vti videre licet apud Hostiens. & Innocent. hic. Abb. n. 8. Felin. n. 2 & seqq.

Respondeo & dico I. Magistratus humanus ea, quæ naturalis iuris sunt, interpretari potest; adeò, vt talis interpretandi facultas in rebus profanis ac politicis etiam seculari magistratui competit: At verò in spiritualibus interpretatio pertinet ad Ecclesiasticos Prælatos, præcipuè Rom. Pontificem. Ratio assertionis est; Nam qui declarat, siue interpretatur, nihil immutat, aut de novo addit, Bartol. in l. omnis populus, in princ. q. 6. Felinus in cap. 1. n. 1. de offic. delegat. & significat Gl. in l. 1. ver. interpretationem, ff. de orig. iuris.

Intellige autem, quod dixi, etiam laicos ius naturale interpretari posse, si interpretatio indubitate sit, v. g. præceptum de homine non occidendo, non comprehendere eum casum, quo necesse sit aggressorem iniustum occidere ob defensionem propriæ vitæ, l. 3. ff. de iust. & iure. Item præceptum de alieno non rapiendo ad eum casum non extendi, quo extrema necessitas compellat. Sin autē dubium existat de legis naturalis obligacione, v. g. vtrum contractus aliquis, spectato naturali iure, illicitus seu iniustus sit, nécne, eius rei cognitio ad ecclesiasticos propriè spectat: Eorum enim, Sacerdotum, inquam, est discernere inter lepram & non lepram, siue, inter peccatum & non peccatum. Quâ ratione factum est, vt cognitio de usuræ criminis Magistratui ecclesiastico cōmissa fuerit, ob animæ periculum: quia animaduersus est, seculares in ea res sèpius dubitasse, aut errasse, sicuti aduertit Lud. Molina tom. 2. de iust. tr. 2. disp. 333.

Dico II. Magistratus humanus legem naturalem præceptiuam mutare non potest, contrarium aliquid statuendo, aut in ea dispensando. Ita docent Theologi cum S. Th.

1.2.q.96.a.5. Ratio est; quia inferior legem superioris tollere non potest, nec in ea dispensare. Si obijcas, quod Prælati ecclesiastici frequenter dispensare soleant in votis, quorum obligatio diuini iuris est, Resp. Cūm Prælati Ecclesiæ ex iusta causa dispensant in votis fidelium, directè non fit aliqua mutatio, aut relaxatio diuinæ legis, præcipientis vota obseruantæ esse, sed fit relaxatio seu remissio iuris dinini, id est, debiti Deo acquifiti, iuxta illud Psalmi 75. v. 12. *Vouero & reddisse Domino Deo vestro.* Eiusmodi inquam, obligationem siue debitum remittunt Prælati Ecclesiæ, tanquam dispensatores fideles, seu Vicarii Dei, per potestatem ipsis à Christo commissam, vt quidquid soluerent in terris, solutum esset in cælis. Quâ simili ratione Oeonomi, aut Vicarii, absentibus Dominis suis, interdum remittunt & cōdonant debita & obligationes; nihil interim agentes contra leges aut præcepta dominorū suorum: quippe quorum voluntas esse censetur, vt talis remissio, postulante necessitate, fiat. Mutatar quidem ac tollitur per eiusmodi remissionē lex præcipiens debiti redditionem: sed indirectè tantum; quia mutatio accedit ex parte obiecti. Cūm enim Vicarius debiti remissionem facit, eo ipso lex & obligatio cessat, seu obligare desinit. Videri potest Suarez tom. 2. de relig. lib. 6. de voto cap. 9. n. 15.

Dixi autem in assertione, legem naturalē præceptiuam directè mutari non posse. At verò legem naturalem permisiuam, ei aliquid addendo, siue perficiendo, magistratus humanus mutare potest. Sicuti enim ars naturam, ita legem naturalem positiva lex quandoque perficit: non quidem contrarium illi statuendo, sed superaddendo, quod ab ea statutum non est: neque constitui prohibuit. Quâ ipsa ratione pleraque impedimenta dirimentia matrimonii per leges ecclesiasticas constituta sunt, non repugnant lege naturali, ac diuina, sed permittente. Vide quæ docui in Theol. mor. lib. 3. tr. 1. de iust. cap. 5. n. 6.

Exinde colligitur bona doctrina Innocen-
tij hic, Abb. n. 13. Felini n. 55. & aliorū: Ta-

meti Magistrat⁹ ex causa aliqua negare pos-
sit actionem, ac compulsionem ad soluēdum
debitum iuris naturalis, v.g. ex simplici pa-
cto, non tamen decernere potest, eiusmodi
debita reddenda non esse: Præterquam si ra-
tio publicæ necessitatis tale statutum, cum
priuatorū aliquo præjudicio, postulet. Quā
de re in quæst. 3. dicetur.

Dico III. Magistratus humanus statuere
non potest aduersus ius gentium præceptiu-
m⁹; potest tamen iuribus gentium adjice-
re: cum pleraque eorum permisiua potius
sint, quām præceptua. Prior pars assert. ex-
pliatur: Sic enim federa v.g. etiam cum
hostibus, legatorum non violandorum reli-
gio &c. c. ius gentium 9. d. 1. iuncto §. Ius
gentium Instit. de iure natur. gent. & ciuii,
violare nefas est: cum inter homines pax
mutua & societas, quæ humano generi quām
maximè necessaria, consistere haud possit,
nisi talia inuolabilit̄, ac sincerè obseruētur.
Quā de redixi in Theol. mor. lib. 2. tr. 3. cap.
12. q. 5. Posterior pars declaratur: Nam
de iure gentium v.g. est, vt duo vel tres te-
stes non suspecti ad rei gestæ probationem
sufficiant: Si autem constet de re gesta, etiā
absque testimonib⁹ valorem & executionem ha-
bere debeat. At verò ius gentium haud pro-
hibet, sed permittit, ob iustum causam, v.g.
ob experientiam fraudum, quæ se penume-
ro interuenienter solent in vltimis voluntatib⁹,
vt plures testes etiam ad formam sive sub-
stantiam actus, videlicet vltimarum volunta-
tum necessarij sint.

Quæritur tertio: Num Magistratus,
ob urgente aliquam causam, statuere, vel
decernere aliquid possit, cum præjudicio,
seu diminutione iuris aliorum. Exemplum
habes h̄ic: Si decernatur, vt liceat cogente
inopia, feudum absque domini cōsensu alienare:
Aut si Princeps filium illegitimè natū
cum præjudicio agnitorum, legitimet ad
feuda ex pacto & prouidentia: Aut si decer-
nat, quæ ex iustitia debita sunt, v.g. à militi-
bus iniuste ablatæ, restituenda non esse. De
qua re multa Felinus h̄ic n. 26. & seqq. Abb.
n. 12. Imol. n. 21. 22. Legistæ in l. vlt. C. si cō-
tra ius vel publ. vtilitatem. Resp. & dico I.

Princeps seu quilibet Magistratus, absque
causa, non potest statuendo, aut decernendo
ius suum aliis auferre. Hæc est certa & re-
cepitissima sententia. Quia ideo Princeps
seu Magistratus constitutus est, vt ius subdi-
ctis reddit, iustitiamq; colat: Sumisurq; ex L.
penult. C. de precib⁹ Imperatori offerendis,
vbi dicitur, quod rescripta Principis, contra
ius elicita, & quibus alias leditur, nulli⁹ ro-
boris sint, nec à Iudicibus recipienda. Quam-
obrem omne rescriptum, priuilegium, con-
cessio, aut dispositio Principis, eam tacitam
clausulam cōtinere censetur, salvo iure alterius,
sive, sine alterius præindicio, l. ex facto
43. in princ. ff. vulg. substitut. l. 2. §. Si quis à
Principe, ff. Ne quis in loco publico, c. super
eo 15. iun. Gl. ver. intentionis, de off. deleg.
Baldus in l. 1. circa finem, ff. de rerum diuis.
Matth. de Afflictis decis. Neapol. 334. n. 34
Andr. Gail. lib. 2. obs. 58. n. 5.

Dico II. Princeps ex causa iusta, vid. ob
publicam vtilitatem, iuri alterius præidi-
care, seu vni rem aut ius suum auferre, &
alteri dare potest. Hæc itidem est receptissima
sententia apud DD. suprà citatos, Iason.
in 1. Barbarius n. 24. ff. de Offic. Prætor. Bal-
dum in l. 2. C. de seruit. & aqua. Ratio est:
Quia bono publico, tanquam vniuersali-
ri ac præstantiori, cedit bonum priuatum,
sive singulorum: quare quilibet contentus
esse debet, vt sui iuris aut rei detrimentum
aliquid patiatur, boni publici causa.

His vero pro declaratione addendum est:
Si non certò constet de Principis voluntate,
adeoque in dubio, nunquam presumendum
est, quod Princeps iuri alterius præjudicare
voluerit, iuxta cit. l. 2. §. Si quis à Principe,
& c. ex tuarum 5. de aucto. & vnu pallij, v-
trobij, Glossæ & Doctores Nicolaus Eue-
rardus in loco à plenitudine potestatio, ver.
Sexto quod Papa, Andr. Alciatus de præ-
sumpt. reg. 3. princ. præsumpt. 11. n. 1. 2. Vbi
addit, quod in comissione quantumcumq;
generalibus verbis facta nunquam conce-
sum censetur, vt ius alteri quæsitus tolli pos-
sit. Propterea, inquit, Vicarius Imperialis
ex quacunq; potentia generali non posset hoc
facere. Idque sumatur ex c. ex parte 13. de
offic.

offic. deleg. & suprà cit. super eo. Atq; ibid. n. 3. inquit, quod rescriptum derogans iuri tertij de falsitate suspectum esse debet, atque per obreptionem impetratum, l. nec accus. (de ematip. liberorum, vbi Baldus ait, quod non est de mente Principis tribuere alicui beneficium in alterius iniuriam. Idque locum habere, tametsi adiecta sit clausula, *Motu proprio & ex certa scientia*, ex probabiliore resoluit idem Alciatus n. 13. Præterquam si adiecta sint verba, *ex plenitudine potestatis*; vel si alioquin rescriptum motus proprij nullum effectum haberet, sicuti etiam in suprà cit. loco Euerardus annotauit; vel si aliis indubitatis indicis appareat, Principem iuri alieno derogare voluisse.

Porro si id ipsum constet, præsumendum est, ex iusta causa Principem egisse, sicuti ex communi tradithic Abb. n. 4. Guid. Papa dec. Neapolit. 589. n. 5. quod in dubio pro Principe præsumendum sit: Dummodò ita statuere potuerit, non repugnando iuri naturali, immunitati ecclesiastice, aut sacris canonibus, si secularis magistratus sit.

Eademque ratione dicendum, quod Princeps absque iusta causa statuere non possit, aut sententiam ferre contra leges positivas iustas, quæ in eâ reprob. vigent, cum ipse custos & vindicta legum publicarum esse debeat, arg. c. vlt. in fine, de rescript. in 6. Tametsi autem Princeps absolute posset legi publice derogare, nisi tamen exprimat, aut alijs indicis certò constet, censeri non debet absoluta eâ potestate, seu plenitudo potestatis vti voluisse, Alciat. cit. reg. 3. præfupt. 36. n. 7. Gaill. cit. obs. 58. n. 7. & lib. 2. obs. 142. n. 16. Innocent in c. innotuit, de elect. & alijs communiter, quod semper, nisi contrarium appareat, Princeps ordinaria & legibus conformi, non autem extraordinaria & absoluta, seu plenitudo potestatis vñus cœseri debet.

Præcipua autem difficultas in eo versatur, quæ & quanta causa requiratur, vt Princeps statuendo, aut definiendo iuri alterius nocere possit? Respondeo, multa hic discernenda esse: Primò quidem, quantum sit documentum, parvum an magnum. Nam pro quantitate documenti, si vid. damnum graue multumq; estimabile sit, grauior etiā publice

necessitatis causa requiratur, vt perse patet.

Secundò distinguendum, num ius priuatū ex naturali, aut gentium iure proueniat; an vero ex legis positivæ beneficio aut Principis liberalitate. Nam in hoc posteriore casu facilis Princeps ad derogandū iuri alieno venire potest. Exempli causa, si per beneficium præscriptionis ius alicui aut dominium rei acquisitum sit: quandoquidem hæc acquisitione ex legislati principi subiectæ beneficio prouenit, sicuti Felinus hic notat n. 48. Quando vero addit, à Principe pro libitu & sine villa causa id fieri posse, fallitur: Partim quia posita præscriptionis lege, ius ac dominium vere acquisitum est vñcupienti, quo sine causa priuari nō debet: partim quia, vt suprà dixi, Princeps secundum leges publicas agere & decernere debet nec sine causa ab iis deuiare.

Aliud exemplum affert Felinus cit. loco, Quod Princeps ius & dominium alicui per sententiam acquisitum, rescissa sententia, pro arbitratu suo auferre queat, ex Baldo l. vlt. n. 4. C. sententiam rescindi non posse, vbi ait, in sententia à Iudice lata subintelligendam esse clausulam, *saluā plenitudine potestatis Caesaræ*. Quæ sententia vera est, si appareat, in sententia lata errorem, aut nimium iuris rigorem contineri: Sin autem iusta sententia fuit, non potest à Principe sine causa, aut pro arbitrio eius rescindi, multo vero minus res adiudicata alicui auferri.

Etenim per sententiam Iudicis non tam de novo ius tribuitur, quam interpretatio fit, eaque authentica, ius parti competuisse; Index enim iuris cuique competentis interpres & arbiter est. Quare etiam Principis rescriptum contra sententiam, quæ in rem iudicatam transiit, irritum est, vti docet Gaill lib. 2. obs. 58. n. 6. ex l. vlt. C. sententiam rescindi non posse. Denique quæ à Principe subditis priuilegia concessa sunt, iterum auferri possunt, nisi transferint in contractu: tunc enim absq; causa, seu pro libitu, tolli nequeunt: quia etiam Princeps ad contractus, aut donationis absolute factæ observatione obligatur, vti ex communi notauit Gaill lib. 2. obs. 55. Felin. hic n. 51. Afflict. cit. decisi. 361. n. 10. & dixi de hoc in Theol. moral. lib. 1. tr. 4. c. 23. n. 25.

Tertio

Tertiò distinguendum, num agatur de tolleando iure alteri iam acquisito, an verò acquirendo, tollendo iure in re, an in spe. Illud enim ius, quippe firmius ac certius, difficultius tolli potest, vt ex communi annotauit Gaill lib. 2. obs. 142. n. 14. Exemplum habemus in filiorum legitimatione, si fiat etiam in ordine ad successionem hæreditatis paternæ. Ad quam longè grauior, & ad bonum publicum pertinens causa seu necessitas requiritur, quando pater mortuus est, adeoque hæreditas legitimis filiis aut agnatis delata, vel acquisita: Minor autem causa requiritur ad legitimandum filium patre adhuc viuente, præsertim petente, in præiudicium legitimorum filiorum: quamuis & hæc legitimatio odiosa censeatur, Quia vt benè annotauit Zasius in l. cùm hæredes, ante §. In ijs, ff. de acquir. posses. filiis legitimè natis gentium iure paterna hæreditas, exclusis illegitimis, debetur; Non ita verò agnatis, quorum proinde nec mentio fieri debet in rescripto, sed nec eorum citatio requiritur, si filius naturalis seu illegitimè natus, patre adhuc viuente & consentiente, non extantibus filiis legitimè natis, legitimandus sit, vt docent Legistæ in l. Gallus 29. §. sed quid si tantum, Gaill eit. obser. 142. n. 1. & 11. Qui addit n. 14. & tradit Couarr. lib. 3. var. refol. cap. 6. n. 2. ex cōmuni, quod Princeps filium naturalem legitimare ac habilitare possit ad feuda antiqua ex pacto & prouidentia, item ad maioratus, seu fideicomissa, etiam cum præiudicio agnatorum: cùm non habeant ius quæstitum in re, sed tantum in spe successionis, si possessio feudi, aut maioratus mortuus fuerit. Eiusmodi autem ius non censemur esse in bonis nostris, sicuti nec ius hæreditatem consequendi, l. pretia 63. ff. ad Legem Falcidiam. Puto tamen, vt id iustè fiat, requiri causam; cùm negari non possit, esse hanc aliquam imminutionem iuris descendensis ex pacto & prouidentia antiqua.

Quartò considerandum est, an, & quantum potestatem habeat Princeps erga personas, & res sive iura, quæ decernendo auferat, aut abrogat.

Quamobrem aiunt Doctores apud Felinum h̄c n. 40. Iasonem in l. Barbarius n. 43. 12 ff. de off. Præt. quod Rom. Pontifex de beneficiis ecclesiasticis plenam ac liberam habeat dispositionem, iuxta c. 2. de præbend. in 6. Cuius rei ratio est, quia Pontifex non ita beneficia confert, vt eorum administrationem à se abdicet. Liberam quoque habet de bonis, aut redditibus ecclesiasticis disponendi facultatem, vt ea ab vna ad alteram ecclesiam, prout voluerit (saltem valide, & si causa subsit, etiam licet) transferre queat, sicuti ibidē tradit Felin. ex Paulo de Castro conf. 281. & ex communi sententia copiosè de hac re disserui in iusta defens. cap. 2. mem. 2. 3. & 4.

Alia verò ratio est de fructibus seu redditibus ecclesiasticorum; horum enim dominium cùm clericis proprietatis iure acquisitum sit, ideo de his non potest Papa, multòque minus de patrimonialibus Clericorum bonis, ad libitum disponere. Sed excipidebet, si clericorum, seu beneficiariorum redditus, etiam percepti, superflui sint: Quandoquidem tales redditus non absoluto dominij iure ad beneficiarios spectant, sed Ecclesiæ obligati manent, sicuti ex vera, & communi Canonistarum doctrina tradidi lib. 4. moral. Theol. tr. 2. c. 3. Ex quo sequitur, cùm clerici superfluos redditus suos ad causas pias, ex iustitia legi, expendere obligati sint, quod neque Episcopus, occurrente aliqua causa sive necessitate, ex officio clericos ad hoc compellere, aut ipsi negligenteribus, dispositionem facere prohibeatur.

At verò magistratus secularis (quicunq; sit) nihil disponere, aut statuere potest circa ecclesiæ, aut personas ecclesiasticas, earumne bona; multò minùs de Monasteriis, beneficiis, alijsque rebus ac iuribus sacris, sive spiritualibus; Ne quidem ex plenitudine potestatis: Quia talis potestas locum nō habet, nisi erga personas, aut res, quæ Principi subiectæ sunt, vt per se patet, & tradit Felin. h̄c n. 30. Atqui seculari magistratui in personas, aut res sacras, sive ecclesiasticas nulla iurisdictio competit, prout omni iure notissimum est. Ergo &c. Neque obest, quod mali politici

politici subinde suggerant, *Necessitas legem non habet. Et quod non est licitum in lege, necessitas facit licitum*, reg. 4. de regulis iuris. Nam necessitas, aut ratio boni publici iurisdictionem fundatam, seu præexistentem extendere quidem potest, sed ubi non subest, dare non potest, sicuti bene notauit Suarez in defens. Fid. Catholice lib. de iuramentis eccles. cap. 31. n. 8. quod sola necessitas non dat iurisdictionem. Laicæ autem siue seculari potestati, eo ipso quod secularis est, nulla iurisdictionis erga personas & res ecclesiasticas competit: Ergo neque in casu necessitatis eandem acquirit. Et locum hinc habet dictum vulgatum, non entis non est qualitas: Vbi, inquam, non est iurisdictionis potestas, nec potestatis plenitudo reperiri potest. Quæ doctrina ex hoc etiam colligitur: Quia, ut supermonui, Pontifex noluit hinc disputare, num propter necessitatem inopie decerni possit, ut feuda liberè alienare liceat; Satis erat respondere, id de feudis ecclesiasticis, seu ad ecclesiam pertinentibus nequaquam statui posse absque ecclesiasticarum personarum assensu. Nam, ut Glossa ibi in not. ait, *constitutio facta in rebus ecclesia per laicos non valeret*. Vide quæ dicentur c. ecclesia, 10. hoc tit.

Restant duo dubia: Primum: Si Princeps, ob publicam causam, siue necessitatem, res priuatorum abstulit, num ad compensationem damni obligatus sit? Communiter affirmatur, ut videre licet apud Iasonem in l. Barbarius n. 36. ff. de Offic. Prætoris, Felin, hic n. 28. Matth. de Afflictis cit. decis. 361. n. 29. si Princeps ex causa auferat rem priuato, quod cessante causa eam restituere debet. Hac ratione aiunt Doctores post Innoc. c. in nostra, de iniuriis, Ant. de Butrio in c. quanto n. 2. de iure iuri, Felin, hic n. 53. Quod Princeps cum hostibus pacisci, seu pacem componere non debeat, nisi saluo iure subditorum, id est, ut damna ipsis iniuste illata resarciantur. Id tamen limitari debet: Si aliter pax Reipubl. utilis ac necessaria obtineri nequeat, nisi illorum dominorum remissio fiat, quæ neque Princeps ipse aliter restituere possit. hoc in

casu, ob commune bonum, documenta perferri debent à subditis.

Deinde si Princeps rei damnati ob crimē perduellionis v.g. bona confiscari, & aliqua eorum aliis applicari seu donari; postea autem damnatum, vna cum bonis suis, restituat, in hac restitutione bonorum non veniunt bona à Princeps donata & alienata, sicuti ex communi docet Matth. de Afflictis supra cit. decis. 361. n. 29. Imola c. quia diligentia, n. 6. de elect. Felin. c. inter quatuor n. 4. & 5. de maior. & obed. Limitari tamen debet primo: Nisi Princeps ei, in quem res translata est, aliter compensationem facere velit. Secundò: Nisi ob publicum bonum pacis, necessarium esse videatur, rem donatam, vel aliter alienatam reuocari, ac restitui, neque aliter donatario, aut ei cui alienatio facta, restitutio fieri possit. Quam ipsam tamen limitationem restrictam leges apud Matth. de Afflictis decis. 361. n. 23. & seqq. vt locum non habeat, si res Ecclesiæ donata, vel aliter in eam translata sit. Nam postquam bona legitime acquisita sunt Ecclesiæ, nulla laica potestas de ijs absque Prælatorum ecclesiasticorum consensu statuere aut disponere potest.

Alterum dubium: An plenitudo potestatis extendens se ad ius subditis, iusta de causa, tollendum, sit propria supremi Principis? Affirmant DD. communiter cum Gl. in c. constitutus ver. à quounque, de relig. dominibus, quod solus Princeps rem vni auferre, & alteri dare potest. Non prohibetur tam Princeps hanc ipsam potestatem, sicuti & alia regalia, aut reseruata, alteri concedere, vt ex recepta doctrina tradit Baldus in l. 2. n. 39. ff. de seruitut. & aqua, Felin. hic n. 32. Gaill obs. 142. n. 3. & 4. ubi aiunt, si Imperator Comiti Palatino legitimandi, seu natalibus restituendi facultatem concedat, explicandam esse, ut ea exerceatur absque aliorum praeditio; præterquam si in concessione amplior potestas expressa sit. Quæ autem, aut quo usque specialia, seu reseruata Imperatori, Imperij Ducibus, &c. communicata sint, tum ex iustitiae verbis, tum ex communis &

D

pro-

- probata consuetudine cognosci debet, prout declarat Felin. cit. n. 32. 33.
- 16 Ad extremum id solum moneo, Legistas quosdam plenitudinem potestatis in supremo Principe nimium extulisse, quasi pro libitu omnia agere posse, ut videtur licet apud Baldum in cit. l. 2. n. 40. Est autem plenius potestatis, arbitrij plenitudo, nulli necessitate subiecta, nullisq; iuris publicis legibus limitata. Et paulo post, In Principe sedes libertatis est, & potest preferre magis equo minus equum; & magis bono minus bonum, nam cum non sit obligatus ad aliquid, potest eligere sicut placet. Contra hanc falsissimam doctrinam, qua fons & scaturigo iustitiae ac honestatis destruitur, librum elegantem scripsit Dom. Anton. de Petra, de iure quæsito non tollendo à Principe, videlicet, prolibitu, & sine iusta causa. Cap. 24. n. 32, ait, si Princeps supremam potestatem non regulet secundum honestatem, potestas talis non est absoluta, sed dissoluta; & plenius tempestatis non potestatis dicitur. Et Baldus citato loco recte dixit, quod nulla auctoritas facere potest, ut Princeps non sit animal rationale mortale, nec eum absoluere à lege nature, vel à dictamine recte rationis, vel legis aeterna.

CAPITVLVM VIII.

Cùm accessissent.

PARAPHRASIS.

Cum Canonici quidam Ecclesiæ Tullen sis significassent Papæ Innoc. III. dignitatem Primicerij (de quo infra hoc lib. tit. 25.) tanto tempore vacasse, ut eius collatio ad Apostolicam Sedem devoluta sit, Pontifex ad dictæ dignitatis collationem procedere volebat. sed Capitulum Tullense opposuit, Pontificem non recte informatum fuisse, quandoquidem ipsi statutum fecerunt, quod etiam à Sede Apostolica confirmatum fuit, ut Dignitas illa Primicerij extingueretur, ejusque redditus Canonici accrescerent. Quare mandat Innocent. Si rem ita se habere cognoscetis Canonici accrescerent. Quare mandat Innocent. Si rem ita se habere cognoscetis

scatur, ut statutum in suo robore permaneat, nisi Canonici postea statuto suo contrauerint, Primicerium aliquem eligendo.

SUMMARIUM.

1. Beneficiarij Ecclesiastici collatio proprie negligeniam collatoris inferioris denoluitur ad superiorum.
2. Eiusdem supprimendi seu extinguendi iusta causa est, ut rediens eius præbendis Canonicorum, si nimis tenues sunt, accedant, non tamen sine auctoritate Pontificis, si dignitas sit, que in Ecclesia de iure communis esse debeat, aut neua à Pontifice instituta vel confirmata.
3. Statutum, quod principaliter cedit in virtutem statuentium, renuntiari potest per statuentes, etiam si foret à Papa confirmatum.
4. Confirmatum à Superiori confirmatione accidentaliter, tolli potest inferioris statuentis auctoritate.
5. Non item (sætem ordinarii) tolli potest statutum à Superiori confirmatum, confirmatione essentiali, ob bonum publicum.
6. Statutum, consuetudo, aut priuilegium cedens per se & principaliter in favorem solum Capituli ab eo tolli potest, ex consensu maiores partis, si favor competit Capitulo, ut uniuersis, ex omnium autem consensu, si competit ille, ut singularis.
7. Statutum cedens etiam in aliorum gratiam, tolli non potest, absque consensu eorum, quorum interest.
8. Statutum Ecclesia à Papa confirmarum, confirmatione essentiali, sine eius consensu abrogari potest, si per eam abrogationem redeatur ad iuris communis observationem, & ea abrogatio sit futura Ecclesiæ utilis, si atque ab ijs, qui potestarem habent leges ferendi, & immunitandi Ecclesiæ statutum.
9. Priuilegium per unum actum contrarium seu contraventionem tolli potest, si cont.